



Dreheuchtiger hochgeborner Fürst/ gnädiger Herr E. F. W. seyen unsere in Vnderthänigkeit bereitwillige Dienst nach Vermögen jederzeit zuvor/ gnädiger Fürst vnd Herr/ ob wol nit ohne/ daß E. F. W. wo nicht in Ungnaden vermercken vnd auffnehmen/ jedoch derselben gar fremde fürkommen möchte/ daß dieselbe wir ganz unbekannt/ mit unsern Wercken in Vnderthänigkeit zuersuchen/ kein Abscheuen oder Bedencken getragen haben. So verhoffen wir doch ganz vnderthänig/ E. F. W. werden diß unser Vorhaben/ auß angeborner Fürstlichen Milidigkeit ihr gnädigst belieben lassen/ vnd also von vns auffnehmen/ wie wir vns auß wolmeinender Einsalt solches fürgenommen vnd eingebildet haben.

Demnach gnädiger Fürst vnd Herr/ unser Hauswirt vnd Vatter seliger/ verschieener Zeit/ etlich Jahr nach einander/ biß an sein End die Beschreibung der neuen Welt/ sonsten America genant/ mit ganzem Fleiß gesamblet/ mit schönen Kupferstücken vnd warhafftiger Abbildung der Gemälden/ Länder vnd Völker gezieret/ in Truck versertiget vnd an Tag gegeben/ vnd aber dieselbe nur biß auff 7. Theil gebracht hat/ wir/ er dann auch solcher etlich Theil E. F. W. Herrn Vetter/ Landgraff Mauritzen in. Vnderthänigkeit zugeschrieben vnd dedicatiert hat. Als haben wir nachmalß für eine Notturnfft angesehen/ zu Ergänzung gemeldten Wercks/ noch diese zwen letzte Theil/ nemlich den achten/ sampt dem Additamenten/ vnd den neunten hinzuzufügen/ welche beyde Theil zwar in allen Circumstantien/ nicht geringer als die vorigen zuhalten/ dann ob wol im achten Theil fast nichts anders/ als allerhand netze von den Engelländern vnd Holländern jüngst erfundene vnd verrichte Schiffarten begrieffen seyn/ darinn vns aber doch die Gelegenheit vieler Derter der gemelten America/ sampt der Beschaffenheit der Thimwohner daselbst vnd anderer notwendigen Sachen beschrieben vnd erkläret worden/ so mag doch sonderlich der neunnde Theil wol für den Herrn vnd Beschluß des ganzen Wercks geachtet werden/ dann derselbe nit allein ein Confirmierung vnd Bestettigung der vorigen Werke ist/ sondern auch ein Aufleger vieler Sachen/ so in den vorigen Theilen etwann nur oben hin angezogen worden. Vber das so wirdt hierinn auch beschrieben der Anfang des Königreichs der Mexicauer/ des gleichen die Succession vnd der Vndergang ihrer Könige/ sampt ihren Kriegen/ so sie wider einander geführt haben/ neben andern ihren weltlichen vnd geistlichen Ceremonien/ wie alles in der Historien weiter zuvernennen/ da dann auch zu End hinzu kommen eine Schiffart so die Holländer ganz newlich fürgenommen hatten/ in Meynung durch das Magelansche Fretum in die Orientalischen Thimdien zuschiffen/ in welcher angezeigt wirdt/ was Jammer vnd Elend sie/ sonderlich aber daß ein Schiff/ von welchem alhie fürnemlich gehandelt wirdt/ auff die zwen ganzer Jahr lang außgestanden/ biß sie endlich vverrichte/ Sachen wider heim kehren müssen.

Demnach aber gnädiger Fürst vnd Herr/ solche Historien einem fürtrefflichen Patronen/ in Schutz vnd Ehren helm zuschreiben/ wir eine Notturnfft zuschreiben.